


www.BibleForChildren.org



Yoni 14



Yeisu iwalolau ana tobenaliyao kolili iba, "Tabu kwamamatausi, yo wakakatewakaka, Yaubada kwameliyani yo yau kwameliyagau. Tamagu ana nume mena biliutusi sibaibaiwa simiyamiya, kani yalau na yakatububunagili kaiwemiu."




"Tem walone bwaite mwakota nige sowasowana yawalowen kolimiu besiele. Tem yalau na yanuwane yakatububunan na imwawasi kabo muli mena kani yapileyoima na yakalaimiu. Na toweya koina yamiyamiya komiu kani besiele koina kwamiyamiya."



Yau kamikava Yoni, komiu yo yau kamkamna
talobai toyawai Yeisu Keliso mekalakava kala
polowene takalakisiye-yagili, kabo


komiu yo yau kita Yeisu
ana kaba lolina kana

tomoyao.




Yaubada ana walo yo Yeisu ana yakayakatai
yawasosina yaguguyeyan tomo kolili, iya
kaiwena mwa sipanyau yo sipeiyau


bwanabwana Patimo
koina yamiyamiya.




Sauganane koina Yaluyaluwa ana kaiwe ikalaiyau, mwa
kaba miyasio yabo wasawasana yagitai bulibuli mena,
tomo yabo koina imiyasio.




Kabo yabenalan ginauli meuloina meyawasili bulibuli
mena yo yanuwa yaulina mena yo tanoluwa mena yo
kalita mena, meuloili siwaliwali
siba, "Tomone imiyasio kaba
miya wasawasana mena iya
yo Lami tatobalanagili, ..."




"... yo tayakasisi-yagili, yo
takawa-kaikaiwe-yagili,
yo takawa-wasawasa-yagili
sauga meuloina kani
nige ilolotom."




Yanuwa tabu waluwaluna Yelusalema yagitai ilolobima bulibuli mena Yaubada koina. Yanuwane bwaite iya tokasole sinena kasole kwamana iluwui, yo ikatububuko na mekanakava kana kawakawalulu sikasole.




Kabo kaina lalakina yabo yabenalan ilobimaya kaba
miya wasawasana koina iba, "Kwabenali, bwaite sauga
Yaubada ana kaba miya iyaele tomo luwali mena. Iya
imiyamiya mekalikava yo iya ali Yaubada. Siya tabe
besiele ana
tomoyao."



Yo anelose yalubwasi iyakenayagau iya yawasi wailana,
manna inega yo ikata besiele gelasi, ididi-lobimawaya
Yaubada yo lami ali kaba miya wasawasana mena, yo
ididi-lobiyoi yanuwane kana kamwasa lalakina
luwaluwalina mena.



Yanuwane koina nige dabwelo yo waikena mayaleli
kaiwena Yaubada ana wasawasa pigapigabuna
yanuwane imayale-takikilan yo mayalene yaina
bwaimwana iya lamine.



Nige sowasowana
ginauli naenaena o siya
mumugana naenaena
siginaginauli silusae
yanuwane koina,
bwaimwanamo siya
esaliyao sileleli
yawasi bukina koina,
iya lami ana buki.



"Yo mataliloli meuloina kani
isauli. Boita tabe nigele, valam
yo kamkamna nigele, kaiwena
ginauli beyabeyaliyao
simwawasiko."



Yo ginauli naenaeli Yaubada isikotanagili nige dedeine
bwaine koina simiyamiya, bwaimwanamo Yaubada yo
lami ali kaba miya wasawasana imiyamiya yanuwane
kalona mena, yo Yaubada ana topaisowao
sitapwatapwalolo.


Yaubada kana
koleya kani sigitai
yo esana imiyamiya
lamwali mena.



Kabo toboita yagitaili, siya tauna kona yanuwa yaulina
mena esaliyao lalakili yo siya tabe esaliyao kikiuli
sitolo ana kaba miya wasawasana manna mena. Yo
aneloseyao buki sikalaili yo sikalali. Yo buki yabo
sikala iya bukinge yawasila kana buki.

Kabo Yaubada toboita iyatalayagili
yo ibenalilau bukinge ana
walo-masala koina
gubesi ali paisowa.


Tem tomo yabo
nige esana silolobai
yawasi kana buki mena
iya sigabae-lobiyen
mayau wedowedolina
kalona mena.



Yaluyaluwa Tabuna mekanakava lami kana
kawakawalulu siba, "Yeisu kulaoma." Analiyao komiu
buki bwaitete kwayasili yo kwanuwabui yo kwameliyan
kwaba, "Yeisu kulaoma."



Na tem yaiya luwamiu mena waila galogalona imagu na
nuwanuwana waila inuma kwawalo ilaoma na yawasi
wailana inuma wailane nige maisana.



Yaubada yanuwa yaulina imulolososi
koina kabo natuna kaigeda-sosisosimo
italamwan mwa tem yaiya imeli
koina nige sowasowana iboita
na yawasina miyamiya
yaina ilobai.



Loma 3:23 kaiwena tomo meuloili naenaena
koina silopwano mwa simiya-kelamamalawe
Yaubada ana wasawasa koina. Nige sowana
ana namwanamwa silobai.

Loma 6:23 Kaiwena mumugana naenaena maisala
iyeyama kolila boita yawasosi, na Yaubada ana
mulolo lalakisosina iyeyama bwaimwana yawasi
miyamiya yaina, kaiwena kita tamiyamiya Guyau
Yeisu Keliso koina.

Ibeliu 9:27 Takatai tomo meuloili kani siboita
silau salai mena. Yo sauga ana kaba mwawasi
koina kani mekaigedamo sitolo Yaubada manna
mena yatala kaiwena.



Epeso 2:8,9 Saugana kwanuwabui yo kwameli,
Yaubada ana katekamkamna koina bwaite ana
eyawa bwagabwagai, lebo kwalobai. Nige yakato
ami paisowa uwena koina lebone kwalobai, na
bwaite Yaubada ana eyawa bwagabwaga
koina lebo kwalobai.

Nige ami paisowa maisana, nigele.
Mwa nige sowana yabo igagasa.

Loma 10:9,10 Tem sopam mena kuba, "Yeisu iya
Guyau" yo tem katem mena kumeli yakato
Yaubada ikeleyatoloyoi boita mena kabo
kani lebo kulobai.



Kaiwena tameli katela mena yo ala meline
tawalo-masalan sopala mena. Bwaine kamwasane
koina Yaubada ikawa-namwanamwa-yagila
yo ileboila.

Yoni 3:16,17 Yaubada yanuwa yaulina imulolososi
koina kabo natuna kaigeda-sosisosimo italamwan
mwa tem yaiya imeli koina nige sowasowana
iboita na yawasina miyamiya yaina ilobai.
Yaubada natuna iyawasayama yanuwa yaulina
mena, nige tomo sabi yatalayanna na
iyawasayama sabi leboili.



1 Yoni 5:11-13 Yaubada ana walo-masala bwaite besiele. Yaubada yawasi miyamiya yaina iyeyamako kolila, na yawasine iyaele Natunane koina. Siya analiyao Yaubada Natuna sikalaiyako siya yawasi miyamiya yaina sikalaiyako. Na siya analiyao nige Natuna sikakalai, yawasinane tabe nige sikakalai. Leta bwaite yaleleyawane kolimiu kaiwena nuwanuwagu wakatai yawasosi yawasi miyamiya yaina iyaele wakalaiyako komiu analiyao Yaubada Natuna kwameliyanako.



Yoni 14; 2 Kolinita 5;
Yakeyakenayan 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Bwanabwana Bible (tte) © 2003, Wycliffe Bible
Translators, Inc. All rights reserved.

<https://live.bible.is/bible/TTEWBT/MAT/1>

©2026 Bible for Children, Inc.

www.M1914.org

www.bibleforchildren.org

